

PLOANIES SAN MARTIN Y LUNGIARÜ

Invit ala prozesciun por vocaziuns sö Oies en domënia ai 26 d'aurí, che pëia ia dales 14:00 da San Linert. Sö Oies sarál na picia funziun cun benedisciun.

LUNGIARÜ



Cun ligrëza tolunse ite a Lungiarü les mitans y i mituns dla Pröma Comuniun te nosta comunité al past dl Signur, a chël ch'al inviëia pici y gragn. Gejú dij pô tl vangele do san Lûca (22,15): I m'á dër dejdré da tigní chësc past cun os. Insciö ti audunse ai mituns y ales mitans dla Pröma Comuniun, y ince a nos, na bela incuntada sintida cun Gejú y inanter nos, y na festa che ti restes imënt por dóta la vita a chisc pici: *Jana Clara, Raffaella Clara, Yoel Clara, Yvonne Clara, Samuel Costa, Mirko Mair, Isaac Mischi, Victoria Mischi, Lorena Moling, Carolin Pedratscher, Joele Ristori, Ian Silvestri y Maria Tavella*

Le Consëi de formaziun mët a jí n referat „Check dla roda y segurëza“ cun Manfred Clara ai 25 d'aurí, dales 14.00 sön plaza dla scora a Lungiarü. Al gnará mostré co controlé la roda por ch'ara sides sigüda por se instësc y por i atri (arferadus, montli, löms). I mituns dess gní acompagná da n adult, al n'é nia debojëgn se tó do la roda.

Le Comitè de Cortina lascia alsavëi che proscimamënter sarál da tó demez les 5 crusc cun zorga dla proscima fila de fosses. Chi che ciara de chëstes fosses é periá da les tó demez cina ai 26.04.2026. Dilan!

Le Consëi de formaziun á metü a jí n „Infopoint informatica - Consulënza personala por vigní eté sön ci che reverda l'adoranza de computer y fonin“. Co scrí na e-mail? Co fá n pü' de lerch sön le smartphone? Ci é pa le SPID y co pón pa le fá? Chëstes y tröpes atres domandes podará gní portades dant. Al vëgn pité vigni vëndres cina ai 29.05.26 dales 09.00 ales 11.00 tl salf di cursc tl Istitut Ladin Micurá de Rü. An mëss se prenoté n de danfora pro Maddalena Valentini, al numer de telefon 347 68 80 248.

Ester geniturs - löm y ambria; insciö sciöch'i sun, vára bun y canch'i me stënti, me chiri aiüt. Chësc é le slogan dl Sorvisc de sostëgn bunorí por families. Al é n sorvisc por düc i geniturs, geniturs susc y families cun mituns danter 0 y 3 agn, che é te de ries situaziuns. Nüsc esperc dl ciamp sanitar y sozial dá consëis y chir deboriada soluziuns adeguades. Le sorvisc é debann, confidenzial y volontar.

Por deplü informaziuns 333 62 03 945 o e-mail: fruehe.hilfen@bzgpust.it
Le sorvisc é a desposiziun tl'alzada a tera dl Raiun sozio-sanitar Val Badia ai 20 d'aurí, ai 18 de ma, ai 15 de jügn, ai 27 de messé y ai 17 d'agost.

SEA Sorvisc Energia Ambiënt inviëia ala Reuniun Generala le mercui, 29 d'aurí, dales 19.00 tl salf dles manifestaziuns a Lungiarü.



Plata dles Ploanies San Martin y Lungiarü

ploan siur Klaus Sottsas 344 15 54 055 - klcottsas@rolmail.net
curat don Marco Veghini - pfarrei.ploania@protonmail.com
redaziun: anton.gasser@rolmail.net - 348 27 44 517 / 0474 523194

19.04.26 - 26.04.26 n. 21

termo por comunicaziuns: jöbia, dales 20.00

3ª DOMËNIA DE PASCA - A

Vangele do san Lûca 24,13-35

En chël pröm dé dl'edema n'èl dui di discepui sön tru da jì te n païsc dal inom Emmaus, che é sessanta stadi dalunc da Ierusalem. Ai baiâ danter ëi de döt cí che é sozedü. Tratan ch'ai baiâ y se cuntâ sü pinsiers, él gnü pormez Gejú y é jü impará. Mo sü edli n'è nia bugn de le conësce. Al i à damanè: Cí eis pa tan da baié, tran ch'i jëis por osc tru? Dailò ési sta chíc döt desconsolà, y un de d'ëi ti à respognü:

Este tan forest a Ierusalem, che t'es le su da ne savëi nia, cí ch'al é sozedü dailò en chisc dis? Al i à damanè: Cí pa? Ai ti à respognü: Cí ch'al n'é stè cun Gejú da Nàzaret: Nos indere ân speré, ch'al foss ël che salvass Ìsrael. Y laprò él incö bele le terzo dé da canche döt cant chësc é sozedü.

Sön chëra ti à dit: Ne capise nia? Tan ch'i se stentëis da crëie döt cí che i profec à dit. Ne messâ nia le Messia patì döt chësc, por rové insciö te süa gloria?

Te chësta cuntiá di dui discepui che vá en Pasca da sëra a Emmaus podunse ciafé ince la resposta ales domandes che i discepui ti fej a Gejú. Le mistere de fede se deura bel plan sc'i nen baiun deboriada cun respet y interes.

I ne sun nia susc sön tru.

Tl dialogh cun compagns y compagnes de tru pó mia fede crësce, madorí, datrai gní ciafada danü, a vigni moda gní arichida.

Nia formules fisses y pratiches automatiches nes dëida.

Ci che nes liëia ite tla tradiziun cristiana de dui mile agn é le ponsé sura tres indò danü y s'abiné y tigní past deboriada.



EDEMA - A	SAN MARTIN	LUNGIARÜ	
19.04.26 3^a DOMËNIA DE PASCA-A <i>Domënia de</i> S. Ciascian y S. Vigile a Porsenú	<i>degöna Corona (siur Klaus)</i> 8.15 Gran Mëssa por la comunité por familia de Giovanni Chizzali + Loise Ploner Unterweger dedô Prozesciun de San Germano incër la Ciasa de Palsa	FESTA DLA PRÖMA COMUNIUN 9.30 Ingress te dlijia (siur Klaus) dala plaza dan le Sanví Gran Mëssa por la comunité por fam. Marino Mischi aniv. + Cecilia Clara	<div data-bbox="1944 102 2130 331" data-label="Image"> </div> <p>I N N</p> <p>Crist - Dî potënt! Tö patrün de döta la creaziun, te rovënes i planëc che se roda, te variëies sön les ones, te sbones les tempestes, te chërdes tü agnui, te guernes i demons. Re dl monn! A döt ti daste l'esistënza, Parora de Dî onipotënt.</p> <p>Crist - Salvatur dl monn! Dal gremo dl Pere vëgneste a nes salvé: devënteste nosc fre, partësceste nosta meseria, suporteste nostes soferënzes, despaieste nüsc picia, nes dërzeste sö: Tö pröm dla generaziun nöia che t'as salvé y santifiché.</p> <p>Crist - Autur dla vita divina! Sciöche le lëgn da üa nudrësc les rames insciö nes nudrëscete nos, tü mëmbri, sënteste tles animes vita divina, unëscete i popui te tüa dlijia, to corp sant. Tíresse por dagnora pormez a te, mediatur dla vita eterna. <i>Friedrich Dörr</i></p>
20.04.26 <i>Odette, Sara</i> Lönesc			
21.04.26 <i>Anselm, Conrad</i> Dedolönesc	8.00 Mëssa + + + Maria, Giovanni y Pia Trebo + + Angelina y Clara Vanzi		
22.04.26 <i>Caius, Alfred</i> Dedemesaledema		7.30 Mëssa + Gottfried Dapoz + Vito Clara, Somvi	
23.04.26 <i>Georg, Iorz, Adalbert</i> Jöbia	19.00 Mëssa + Opinia Morandotti + Sepl Trebo, Pension Tor		
24.04.26 <i>Fidelis, Teodor</i> Vëndres	<i>degöna adoraziun, deach'al vëgn tigní</i> <i>na proa da cianté por la Pröma Comuniun</i>		
25.04.26 Sabeda <i>San Merch vangelist,</i>	18.30 Mëssa prefestia (don Marco) en onú de sant Ojöp da Oies por i proi y les families + Sepl Ferdigg + frater Felix Ploner		
26.04.26 4^a DOMËNIA DE PASCA-A Domënia dles Vocaziuns	FESTA DLA PRÖMA COMUNIUN 10.00 Ingress te dlijia (siur Klaus) dala plaza dla scora Gran Mëssa por la comunité <i>al cianta le cor dles mitans y di mituns</i>	7.50 Corona (pater da Oies) 8.15 Gran Mëssa por la comunité cun benedisciun di auti y mascins en onú de San Florian por i Stödafüch + Davide Daporta, aniv. + + Sepl y Maria Paracia + + Giovanni y Sabina Clara	